

REGIONAL NEWS UNIT
ALL INDIA RADIO, AGARTALA
Date: 17-06-2024
Time: 07:55-08:05 PM Hrs
BENGALI EVENING BULLETIN

Headlines :

- (১) আগরতলা থেকে শিয়ালদাগামী দুর্ঘটনায় ৯ জনের মৃত্যু, আহত ৬০ ।
- (২) রাষ্ট্রপতি, প্রধানমন্ত্রী ও রাজ্যের মুখ্যমন্ত্রী এই রেল দুর্ঘটনায় দুঃখ প্রকাশ করেছেন । নিহতদের পরিবারের জন্য ও আহতদের জন্য আর্থিক সহায়তা ঘোষণা করেছেন কেন্দ্রীয় রেলমন্ত্রী ।
- (৩) সারা দেশের সঙ্গে আজ রাজ্যেও পবিত্র ঈদ-উল-আজহা উদযাপিত ।
- (৪) কাজাকিস্তানে অনুষ্ঠিত এশিয়ান অনূর্ধ্ব-১০ বছরের মেয়েদের দাবা প্রতিযোগিতায় আবার ড্র করলো রাজ্যের আন্তর্জাতিক দাবাড়ু আরাধ্যা দাস।

Train Accident :

পশ্চিমবঙ্গের নিউজলপাইগুড়ির কাছে রাঙ্গাপানি স্টেশন সংলগ্ন নীচবাড়ি এলাকায় আজ সকালে আগরতলা থেকে শিয়ালদা গামী কাঞ্চনজঙ্ঘা এক্সপ্রেস দুর্ঘটনাগ্রস্থ হয়। পিছন দিক থেকে একটি

পণ্যবাহী ট্রেন কাঞ্চনজঙ্ঘা এক্সপ্রেসে ধাক্কা দিলে কয়েকটি বগি লাইনচ্যুত হওয়ায় ২ জন রেল কর্মী সহ মোট ৯ জন নিহত হয়েছে। এই দুর্ঘটনায় প্রায় ৬০ জন আহত হয়েছে। এর মধ্যে ৯ জনের অবস্থা আশঙ্কাজনক। নয়াদিল্লিতে এক সাংবাদিক সম্মেলনে রেলওয়ে বোর্ডের চেয়ারম্যান ও সি.ই.ও জয়া ভার্মা বলেন, উদ্ধার কাজ শেষ হয়েছে। আগরতলা শিয়ালদা রুটের সমস্ত রেলস্টেশনে হেল্প ডেস্ক বসানো হয়েছে বলে তিনি জানান।

রাষ্ট্রপতি দ্রৌপদী মুর্মু এই মর্মান্তিক রেল দুর্ঘটনায় শোক প্রকাশ করেছেন। একটি সোশ্যাল মিডিয়া পোস্টে রাষ্ট্রপতি বলেন, পশ্চিমবঙ্গের রেল দুর্ঘটনায় প্রাণহানির ঘটনা অত্যন্ত বেদনাদায়ক।

প্রধানমন্ত্রী নরেন্দ্র মোদী মর্মান্তিক এই দুর্ঘটনায় গভীর শোক প্রকাশ করেছেন। তিনি রেলের কর্মকর্তাদের সঙ্গে কথা বলে দুর্ঘটনা ও উদ্ধারকার্য সম্পর্কে খোঁজ খবর নেন।

রেলমন্ত্রী অশ্বিনী বৈষ্ণব জানিয়েছেন, মৃতের নিকট আত্মীয়কে ১০ লক্ষ টাকা ক্ষতিপূরণ দেওয়া হবে, গুরুতর আহতদের জন্য ২ লক্ষ ৫০ হাজার টাকা এবং সামান্য আহতদের জন্য ৫০ হাজার টাকা করে দেওয়া হবে।

আজ রাঙ্গাপানি রেলওয়ে জংশনের কাছে রেল দুর্ঘটনার পরে বারসোই-নিউ জলপাইগুড়ি রেল সেকশনে রেল চলাচল প্রভাবিত হয়েছে। কাটিহারের ডিভিশনাল রেল ম্যানেজার সুরেন্দ্র কুমার জানান, এই দুর্ঘটনার ফলে ডিব্রুগড় নিউদিল্লি রাজধানী এক্সপ্রেস, হাওড়া নিউজলপাইগুড়ি বন্দে ভারত এক্সপ্রেস সহ ৯টি ট্রেনকে ঘুরিয়ে দেওয়া হয়েছে। এছাড়া বিভিন্ন রেলস্টেশনে

গুয়াহাটি, আগরতলা এবং উত্তর-পূর্ব গামী বেশ কিছু ট্রেন আটকে পড়েছে।

মুখ্যমন্ত্রী মানিক সাহা কাঞ্চনজঙ্ঘা এক্সপ্রেস দুর্ঘটনাগ্রস্ত হওয়ার বিষয়ে দুঃখ প্রকাশ করেছেন। তিনি দুর্ঘটনায় নিহতদের পরিবার পরিজনদের প্রতি গভীর শোক প্রকাশ করে আহতদের দ্রুত আরোগ্য কামনা করেছেন। তিনি রেলমন্ত্রী অশ্বিনী বৈষ্ণবের সঙ্গেও কথা বলেছেন।

সাংসদ বিপ্লব কুমার দেব শিয়ালদাগামী কাঞ্চনজঙ্ঘা এক্সপ্রেস দুর্ঘটনায় দুঃখ প্রকাশ করেছেন।

PM Kishan :

প্রধানমন্ত্রী নরেন্দ্র মোদী আগামীকাল পিএম-কিষণ প্রকল্পের ১৭তম কিস্তি প্রদান করবেন। বারাণসীতে আয়োজিত এক অনুষ্ঠানে প্রধানমন্ত্রী ৯ কোটি ২৬ লক্ষেরও বেশি কৃষকের একাউন্টে ২০ হাজার কোটি টাকারও বেশি প্রদান করবেন। তাছাড়া প্যারা এক্সটেনশন কর্মী হিসাবে কাজ করার জন্য কৃষি সখী হিসাবে প্রশিক্ষণপ্রাপ্ত ৩০,০০০টিরও বেশি স্বনির্ভর গোষ্ঠীকে শংসাপত্র বিতরণ করবেন প্রধানমন্ত্রী।

Oath Taking :

রাজ্য বিধানসভার নবনির্বাচিত সদস্য দীপক মজুমদার আগামী ১৯শে জুন শপথ গ্রহণ করবেন। ঐদিন বেলা দুটোয় রাজ্য

বিধানসভার লবিতে শপথ গ্রহণ অনুষ্ঠান হবে। বিধানসভার ভারপ্রাপ্ত সচিব এস মোহান্ত আজ এখবর জানিয়েছেন।

Train-Sabroom :

শিয়ালদহ থেকে আগরতলা হয়ে কাঞ্চনজঙ্ঘা এক্সপ্ৰেস ট্রেনটি সাব্রুম অভিমুখে যাচ্ছে। আর কিছুক্ষণের মধ্যে ট্রেনটি সাব্রুম রেল স্টেশনে পৌঁছে যাবার কথা রয়েছে। উল্লেখ্য, রাজ্যের দক্ষিণ প্রান্ত সাব্রুমে এই প্রথম দূরপাল্লার ট্রেন যাত্রার সূচনা হতে চলেছে। আগামীকাল সকালে সাব্রুম থেকে কাঞ্চনজঙ্ঘা এক্সপ্ৰেস আগরতলা হয়ে শিয়ালদার উদ্দেশ্যে রওনা হবে।

Awareness on 3 law :

নতুন তিনটি ফৌজদারি আইন নিয়ে আজ খোয়াই ব্লকের অন্তর্গত গৌরনগরে সচেতনতা শিবিরের আয়োজন করা হয়। মহকুমা আইন সেবা কমিটি আয়োজিত এই শিবিরে আলোচনা করেন মুখ্য আইনি পরামর্শদাতা সুজিত নাথ শর্মা, আইনি স্বেচ্ছা সেবক অমর চন্দ্র দাস। শ্রী দাস জানান, গ্রামের সাধারণ নাগরিকদের নতুন তিনটি আইন সম্পর্কে সচেতন করতে এই শিবিরের আয়োজন করা হয়েছে। ভারতীয় ন্যায় সংহিতা, ভারতীয় নাগরিক সুরক্ষা সংহিতা এবং ভারতীয় সাক্ষ্য অধিনিয়ম এই তিন আইন সম্পর্কে সচেতনতামূলক শিবিরে মহিলাদের উপস্থিতির হার ছিল উল্লেখযোগ্য।

BJP Meeting :

আসন্ন ত্ৰিস্তৱ পঞ্চায়েত নিৰ্বাচনকে সামনে ৰেখে আজ আগৰতলায় প্ৰদেশ বিজেপিৰ এক সাংগঠনিক বৈঠক অনুষ্ঠিত হয়। বৈঠকে উপস্থিত ছিলেন মুখ্যমন্ত্ৰী অধ্যাপক ডাঃ মানিক সাহা, অৰ্থমন্ত্ৰী প্ৰণজিৎ সিংহ ৰায়, বিদ্যুৎ মন্ত্ৰী ৰতনলাল নাথ, প্ৰদেশ সংগঠন মহামন্ত্ৰী ৰবীন্দ্ৰ ৰাজু, বিজেপি প্ৰদেশ সভাপতি ৰাজীৱ ভট্টাচাৰ্য সহ অন্যান্য নেতৃবৃন্দ।

Women Congress Meeting :

আসন্ন ত্ৰিস্তৱীয় পঞ্চায়েত নিৰ্বাচনকে সামনে ৰেখে কংগ্ৰেচৰ মহিলা কংগ্ৰেচৰ উদ্যোগে আজ আগৰতলাৰ কংগ্ৰেচ ভবনে এক সাংগঠনিক বৈঠক অনুষ্ঠিত হয়। বৈঠকে উপস্থিত ছিলেন প্ৰদেশ কংগ্ৰেচ সভাপতি আশীষ কুমাৰ সাহা, মহিলা কংগ্ৰেচ সভানেত্ৰী সৰ্বানী চক্ৰবৰ্তী সহ জেলা ও ব্লক স্তৰেৰ মহিলা কংগ্ৰেচ নেত্ৰীৱা।

BJP Election Observers :

আসন্ন চাৰ ৰাজ্য মহাৰাষ্ট্ৰ, হৰিয়ানা, ঝাড়খণ্ড ও জম্মু-কাশ্মীৰ ৰাজ্যেৰ বিধানসভা নিৰ্বাচনে বিজেপিৰ নিৰ্বাচন প্ৰভাৰী ও সহ প্ৰভাৰী নিযুক্ত কৰেছেন দলেৰ সৰ্বভাৰতীয় সভাপতি জে.পি নাড্ডা। হৰিয়ানা ৰাজ্যেৰ প্ৰভাৰী হয়েছেন কেন্দ্ৰীয় মন্ত্ৰী ধৰ্মেন্দ্ৰ প্ৰধান ও সহপ্ৰভাৰীৰ দায়িত্ব পেয়ছেন সাংসদ বিপ্লব কুমাৰ দেৱ।

Eid Gedu miah Masjid :

আজ পবিত্র ঈদ-উল-আজহা। মুসলিম ধর্মাবলম্বীদের অন্যতম এই প্রধান উৎসব আজ সারা দেশের সঙ্গে রাজ্যেও উদযাপন করা হয়। আজ সকালে বিভিন্ন মসজিদে নামাজে অংশ নেন মুসলিম ধর্মাবলম্বীরা। রাজ্যে ঈদের মূল নামাজ হয় আগরতলা গেদু মিয়া মসজিদে। সকাল ৮টায় গেদু মিয়া মসজিদে ঈদের নামাজ পাঠ করান মৌলানা আব্দুর রহমান। সঙ্গে ছিলেন মৌলানা মইনুল হক। নামাজ আদায় করার পর শুভেচ্ছা বিনিময় করা হয়। একইসাথে রাজ্যের সর্বত্রই মসজিদ এবং ঈদগাহ গুলোতে ঈদের নামাজ আদায় করা হয়। ঈদ উপলক্ষে রাজ্যবাসীকে শুভেচ্ছা জানিয়েছেন গেদু মিয়া মসজিদের ইমাম মৌলানা আব্দুর রহমান।

Eid-Sepahijala :

উৎসাহ-উদ্দীপনার মধ্য দিয়ে সিপাহীজলা জেলাতেও উদযাপিত হয়েছে ঈদ-উল-আযহা। এই উপলক্ষে জেলার প্রতিটি মসজিদে আয়োজন করা হয়েছিল ঈদের বিশেষ নামাজ। ত্যাগ, সহানুভূতি, বিশ্ব শান্তি ও ভাতৃত্ববোধের কামনায় প্রতিটি ঈদগাহ ময়দানেই নামাজ আদায়ে সামিল হন মুসলিম সম্প্রদায়ভুক্ত মানুষ। ঈদ উপলক্ষে ইসলাম ধর্মাবলম্বী প্রতিটি বাড়িতে ছিল বিশেষ খাবার-দাবারের আয়োজন। ঈদ-উল-আযহা উপলক্ষ্যে রাজ্যবাসীকে শুভেচ্ছা জানিয়েছেন বিধায়ক শ্যামল চক্রবর্তী, বি.জে.পি-র সংখ্যালঘু মোর্চার প্রদেশ সভাপতি বিল্লাল মিয়া, ঈদ উপলক্ষে শ্রমিক সংগঠন বি.এম.এসের পক্ষ থেকে সোনামুড়া সামাজিক স্বাস্থ্য কেন্দ্রে রোগীদের মধ্যে মিষ্টি বিতরণ করা হয়।

IDD-UL-AJHA-GOMATI :

গোমতী জেলা সদর উদয়পুর টাউন জামে মসজিদে নামাজ আদায় করেন উদয়পুর টাউন জামে মসজিদের ইমাম জয়নাল আবেদিন। নামাজ শেষে বিশ্ব, দেশ ও রাজ্যের শান্তির কামনায় প্রার্থনা করা হয়। অমরপুর টাউন জামে মসজিদে নামাজ আদায় করেন মৌলানা হেলাল উদ্দিন। করবুক মহকুমার যতনবारी মুসলিম পাড়ার মসজিদ সহ জেলার ১৫৭টি ছোট বড় মসজিদে আজ নামাজ আদায় হয়।

Eid-UL-Ajha, South :

ইসলাম ধর্মের রীতিনীতি মেনে আজ দক্ষিণ জেলাজুড়েও পালিত হয় ঈদ-উল-আজহা। জেলার বিভিন্ন মসজিদ ও ঈদগাহ গুলিতে বিশেষ নামাজে অংশ নেন ইসলাম ধর্মালম্বীরা। জোলাইবাড়ির রামরাইবাড়ি জামে মসজিদ ও বিলোনিয়ার বনকরের জামে মসজিদেও বিশেষ নামাজ আদায় করা হয়।

Eid-UL-Adha-KAILASHAHAR :

ঊনকোটি জেলা সদর কৈলাশহরেও আজ পালিত হলো পবিত্র ঈদ-উল-আজহা। এই উপলক্ষে আজ বিভিন্ন ঈদগাহ ও মসজিদ প্রাঙ্গণে ঈদের বিশেষ নামাজে অংশ নেন ধর্মপ্রাণ ইসলাম ধর্মাবলম্বীরা। নামাজ শেষে ধর্মীয় আলোচনা ও দিবসটির তাৎপর্য ব্যাখ্যা করা হয়। তাছাড়া বিশ্ব শান্তি ও সৌভ্রাতৃত্ব কামনায় বিশেষ প্রার্থনা বা মোনাজাত অনুষ্ঠিত হয়। এছাড়া পারস্পরিক আলিঙ্গন ও প্রীতি বিনিময় এই দিনের এক বিশেষ রীতি।

আমাদের ঊনকোটি জেলার সংবাদদাতা অনুপম ভট্টাচার্য জানিয়েছেন, ঈদ উপলক্ষে আজ কৈলাশহর বাজার জামে মসজিদ প্রাঙ্গনে হাফিজ আব্দুল জলিল ও বাবুবাজার জামিয়া ইসলামিয়া হুসাইনিয়া মাদ্রাসা চত্বরে মৌলানা হাবিল আহমেদ কাশেমী নামাজ পরিচালনা করেন। অন্যদিকে টিলাবাজার ঈদগাহে মৌলানা সৈয়দ শাহনওয়াজ আলম ও নূরপুর আহমদিয়া ঈদগাহে মৌলানা মকলিসুর রহমান নামাজ পাঠ করান।

এদিকে অল ইন্ডিয়া মুসলিম পার্সোনাল ল'বোর্ডের সদস্য আলহাজ মৌলানা সৈয়দ আহমেদ জানান, পরম করুণাময়ের সন্তুষ্টি-ত্যাগ ও নৈকট্য লাভের উৎসব এই ঈদ-উল-আজহা।

Maan Ki Baat :

তৃতীয়বারের মত প্রধানমন্ত্রীর পদে দায়িত্বভার গ্রহণের পর প্রধানমন্ত্রী নরেন্দ্র মোদী আগামী ৩০শে জুন আকাশবানীর মন-কি-বাত অনুষ্ঠানে দেশ বিদেশের জনগণের সাথে মত বিনিময় করবেন। এটি হলো মন-কি-বাত অনুষ্ঠানের ১১১ তম পর্ব। জনগণ মন কি বাতের জন্য ভাবনা-চিন্তা ও পরামর্শ টোল-ফ্রী ১৮০০-১১-৭৮০০ নম্বরে শেয়ার করতে পারেন। এছাড়া নরেন্দ্র মোদী অ্যাপ অথবা মাইগভ ওপেন ফোরামে জমা দিতে পারেন। আগামী ২৮শে জুন পর্যন্ত এইসব পরামর্শ গ্রহণ করা হবে।

Update Akashvani :

শ্রোতাবন্ধুরা, আকাশবাণীর সংবাদ সহ বিবিধ খবরের বিস্তৃত আপডেট পেতে লগ ইন করুন - ডব্লিউ, ডব্লিউ, ডব্লিউ ডট, নিউজ অন এআইআর ডট কম ও নিউজ অন এআইআর অ্যাপ, এবং টুইটার অর্থাৎ এক্স প্ল্যাটফর্মে। আপডেট পেতে দেখুন আকাশবাণী নিউজ আগরতলা / ফেসবুকে এআইআর নিউজ আগরতলা এবং ইউ টিউবে এআইআর নিউজ আগরতলা।

Rescue operation Sikkim :

সিকিমে আটকে থাকা পর্যটকদের উদ্ধারকাজ শুরু হয়েছে। সিকিম প্রশাসনের উদ্ধারকারী দল, পর্যটন বিভাগ ও বায়ুসেনার কর্মীরা এই উদ্ধারকার্যে নেমেছে। আজ উত্তর সিকিমের বিপদসংকুল পাহাড়ি পথ টুং থেকে মঙ্গন পর্যন্ত এলাকায় আটকে পড়া পর্যটকদের উদ্ধার করা হয়েছে। তবে লাচুংয়ে আটকে থাকা পর্যটকদের উদ্ধার কাজ এখনও শুরু হয়নি।

উল্লেখ করা যেতে পারে উত্তর সিকিমের লাচুং, চুংথাং, জঙ্গুতে এখনও বহু পর্যটক আটকে আছে।

Art Competition :

আন্তর্জাতিক যোগা দিবস উপলক্ষে প্রজাপিতা ব্রহ্মকুমারী ঈশ্বরীয় বিশ্ববিদ্যালয়ের উদ্যোগে ও ত্রিপুরা আর্ট সোসাইটি সহযোগিতায় আজ আগরতলার আড়ালিয়ায় বসে আঁকো প্রতিযোগিতা আয়োজন করা হয়। এই প্রতিযোগিতায় প্রায় দেড়শো প্রতিযোগী অংশ গ্রহণ

করেন। অংকন প্রতিযোগিতায় থিম ছিল" মহিলাদের স্বশক্তিকরণে যোগ"।

Third Division Football :

টিএফএ পরিচালিত ঘরোয়া তৃতীয় ডিভিশন লিগ ফুটবল প্রতিযোগিতার আজ আনুষ্ঠানিক উদ্বোধন হলো। উমাকান্ত মিনি স্টেডিয়ামে উদ্বোধনী খেলায় সরোজ সংঘ ১-০ গোলে ইকফাই বিশ্ববিদ্যালয়কে পরাজিত করে। গোলশূন্য প্রথমার্ধের পর বিজয়ী দলের পক্ষে বিজয় দেববর্মা জয়সূচক গোলটি করে। মোট ১৬টি দলকে দুটি গ্রুপে ভাগ করে এই আসর হচ্ছে। উদ্বোধনী অনুষ্ঠানে মেয়র দীপক মজুমদার উপস্থিত ছিলেন। বল-এ পা লাগিয়ে আসরের সূচনা করেন প্রাক্তন ফুটবলার জন ভট্টাচার্য।

Aaradhya :

কাজাকিস্তানে অনুষ্ঠিত এশিয়ান ইয়ুথ অনূর্ধ্ব-১০ বছরের মেয়েদের দাবা প্রতিযোগিতায় আবার ড্র করলো রাজ্যের আন্তর্জাতিক দাবাড়ু আরাধ্যা দাস। সোমবার আসরের সপ্তম রাউন্ডের খেলা হয়। এতে ভারতেরই দাবাড়ু সমহিতা পূঙ্গাভানামের সাথে পয়েন্ট ভাগ করে আরাধ্যা। ৭ রাউন্ড শেষে আরাধ্যার পয়েন্ট সাড়ে ৪। আপাতত নবম স্থানে রয়েছে।

Weather :

আগামী চব্বিশ ঘণ্টায় রাজ্যের উত্তর এবং উনকোটি জেলায় বিক্ষিপ্তভাবে ভারী থেকে অতি ভারী বর্ষণের সতর্কতা জারি করেছে আবহাওয়া দপ্তর। ধলাই এবং খোয়াই জেলায় বিক্ষিপ্তভাবে ভারী বর্ষণের সতর্কতা জারি করা হয়েছে। বাকি জেলাগুলিতে বজ্র বিদ্যুত সহ বৃষ্টিপাতের সতর্কতা জারি করা হয়েছে। আগামীকাল আকাশ সাধারণত মেঘাচ্ছন্ন থাকবে। আগামীকাল তাপমাত্রা সর্বোচ্চ তেত্রিশ ডিগ্রী এবং সর্বনিম্ন তেইশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল বত্রিশ দশমিক পাঁচ ডিগ্রী এবং সর্বনিম্ন তেইশ দশমিক আট ডিগ্রী সেলসিয়াস।

এদিকে, ভারতীয় আবহাওয়া দপ্তর উত্তর-পূর্ব ভারতের মেঘালয়, অসম, অরুণাচল প্রদেশ, নাগাল্যান্ড ও মণিপুরে আগামী ৫ দিন ভারী বৃষ্টির সতর্কতা জারি করেছে।
